

# Viðmið Skautasambands Íslands

2021-2022



# Efnisyfirlit

<b>1</b>	<b>HLUTVERK AFREKSNEFNDAR ÍSS</b>	<b>2</b>
<b>2</b>	<b>AFREKSHÓPAR OG VIÐMIÐ ÍSS 2021-2022</b>	<b>2</b>
2.1	VIÐMIÐ AFREKSHÓPS OG HÓPS AFREKSEFNA	2
2.2	GJALDGENGI Í AFREKSHÓP OG HÓP AFREKSEFNA	2
<b>3</b>	<b>VAL Í LANDSLIÐ OG Á MÓT MEÐ FJÖLDATAKMÖRKUNUM</b>	<b>3</b>
3.1	ÍSLANDSMEISTARAMÓT ÍSS	3
3.2	VIRK KEPPNISÞÁTTTAKA	3
3.3	VIRK ÞÁTTTAKA Í VERKEFNUM AFREKSHÓPS ÍSS	3
3.4	LÁGMARKSKRÖFUR FYRIR INNIHALD PRÓGRAMMA	3
3.4.1	EFTIRFARANDI GILDIR FYRIR SKIL Á INNIHALDI PRÓGRAMMA	4
3.4.2	SKAUTARAR SEM HYGGJAST KEPPA UPP FYRIR SIG Á ISU MÓTI	4
<b>4</b>	<b>GILD MÓT SEM ERU METIN TIL VIÐMIÐA</b>	<b>4</b>
4.1	SKIL Á PROTOCOLUM	4
4.2	ÞÆTTIR SEM KOMA TIL ÁLITA OG STIGAGJÖF	4
<b>5</b>	<b>KEPPNISÞÁTTTAKA</b>	<b>5</b>
5.1	ÞÁTTTAKA Á GILDUM MÓTUM	5
5.2	ÞÁTTTAKA Á ALÞJÓÐLEGUM FÉLAGAMÓTUM (E. INTER-CLUB)	5
5.3	SKIPTING Á MILLI KEPPNISFLOKKA	5

Stjórn ÍSS gefur út viðmið fyrir afrekshópa og afreksefni við val á keppendum í landslið og þátttöku íslenskra keppenda á opnum mótum á vegum Alþjóðlega Skautasambandsins (ISU). Afreksnefnd vinnur eftir reglugerð ÍSS um fastanefndir

## 1 Hlutverk afreksnefndar ÍSS

Hlutverk afreksnefndar er tíundað í reglugerð um Afreksnefnd

## 2 Afrekshópar og viðmið ÍSS 2021-2022

Í afreksstefnu ÍSS er farið yfir stuðning ÍSS við skautara í afrekshópi og afreksefnum (sjá afreksstefnu ÍSS).

### 2.1 Viðmið afrekshóps og hóps afreksefna

Keppendum ÍSS í ISU flokkum er skipt upp í þrjá hópa eftir frammistöðu og mati á Technical Element Score (TES): Afrekshópur, afreksefni og hæfileikamótun.

Afrikshópur (TES)	Stutt prógram	Frjálst prógram
Senior Women	23.00	40.00
Junior Women	23.00	38.00

Í flokkum Junior og Senior þufa keppendur að ná viðmiðum fyrir afrekshóp í bæði stuttu og frjálstu prógrammi á ISU móti. Ekki þarf að ná viðmiðum fyrir stutt og grjálst prógram á sama móti.

Afriksefni (TES)	Stutt prógram	Frjálst prógram
Senior Women	17.00	27.00
Junior Women	17.00	27.00
Advanced Novice	12.00	21.00

Í flokkum Advanced Novice, Junior og Senior þurfa keppendur að ná viðmiðum fyrir afreksefni í bæði stuttu og frjálstu prógrammi á sama móti.

Hæfileikamótun eru þeir keppendur sem ekki hafa náð stigaviðmiðum ÍSS en keppa í keppnisflokkum Advanced Novice, Junior og Senior.

### 2.2 Gjaldgengi í afrekshóp og hóp afreksefna

Þeir skautarar sem náðu viðmiðunum á síðastliðnu keppnistímabili eru nú þegar gjaldgengir í afrekshóp og hóp afreksefna fyrir þetta tímabil. Þetta á einnig við um þá keppendur sem flytjast á milli keppnisflokka þ.e. úr Advanced Novice í Junior og úr Junior í Senior. Skautari sem er í afrekshóp Junior fer í afreksefni Senior þar til hann nær viðmiði í nýja keppnisflokknum. Hafi skautari enn aldur til fellur hann undir afrekshóp Junior. Skautari telst ekki keppandi í keppnisflokki fyrr en hann hefur lokið keppni á a.m.k. einu gildu móti í viðkomandi keppnisflokki.

### 3 Val í landslið og á mót með fjöldatakmörkunum

Við val keppenda í landslið og/eða á mót sem eru á lista ISU er litið til margra samverkandi þátta.

#### 3.1 Íslandsmeistaramót ÍSS

Þátttaka á Íslandsmeistaramóti er skilyrði. Skila þarf inn læknisvottorði ef skautari keppir ekki vegna veikinda eða meiðsla en vill koma til álita við val á mót.

#### 3.2 Virk keppnisþátttaka

Skilyrði er að keppendur sýni fram á virka keppnisþátttöku á tímabilinu. Virk keppnisþátttaka telst að lágmarki eitt mót á haustönn og eitt mót á vorönn. Mót sem telja til virkrar keppnisþátttöku eru þau sem uppfylla skilyrði um protocol (sjá lið 3.6). Samkvæmt lið 3.6 er virk keppnisþátttaka á viðkomandi keppnistímabili skilyrði fyrir vali í landslið og/eða mót á ISU lista.

#### 3.3 Virk þátttaka í verkefnum afrekshóps ÍSS

Skilyrði er að keppendur taki þátt í öllum verkefnum sem viðkoma þátttöku hjá ÍSS. Skautasamband Íslands fær styrki úr afrekssjóði ÍSÍ ef kröfur um virka afreksstefnu og þátttöku keppenda í afreksstefnu sambandsins eru uppfylltar. Það er því nauðsynlegt fyrir ÍSS að keppendur, sem teljast til afrekshóps og/eða afreksefna, taki þátt í afreksstarfi Skautasambandsins. Ef um sérstök tilfelli er að ræða er hægt að óska eftir undanþágu í hjá afreksnefnd.

Eftirfarandi verkefni verða á dagskrá á vegum ÍSS:

- Fræðsluerindi
- Æfingabúðir
- Viðtal við sjúkráþjálfara á vegum ÍSS
- Viðtal við afreksnefnd.

#### 3.4 Lágmarkskröfur fyrir innihald prógramma

Litið er til skylduæfinga (lágmarkskrafa) ISU í stuttu prógrammi. Eftirfarandi viðmið gilda fyrir flokka Advanced Novice, Junior og Senior:

##### Advanced novice

- Skyldustökk gefin út af ISU
- Allar píróettur verða að vera að lágmarki level 2.
- Sporasamsetning (StSq) verður að vera að lágmarki level 2.

##### Junior

- Skyldustökk gefin út af ISU
- Allar píróettur verða að vera að lágmarki level 2.
- Sporasamsetning (StSq) verður að vera að lágmarki level 2.

##### Senior

- Skyldustökk gefin út af ISU
- Allar píróettur verða að vera að lágmarki level 3 utan einnar sem má vera level 2
- Sporasamsetning (StSq) verður að vera að lágmarki level 2.

### 3.4.1 Eftirfarandi gildir fyrir skil á innihaldi prógramma

- Stökk með value -5 eða << verða ekki talin uppfyllt element nema annað sé sérstaklega tekið fram.
- Ef skautari skilar tvöföldu stökki -5 eða << þar sem nægir að skila einföldu telst það gilt einfalt stökk. Ef skautari skilar þreföldu stökki -5 eða << þar sem nægir að skila tvöföldu telst það gilt tvöfalt stökk.
- Ef skautari skilar öllum elementum nema einu í stuttu prógrammi má sækja eitt element í frjálst prógram.

### 3.4.2 Skautarar sem hyggjast keppa upp fyrir sig á ISU móti

Skautarar geta sótt um að keppa upp fyrir sig erlendis, hafi viðkomandi aldur til og hafi staðist grunnpróf í viðkomandi flokki. Skautarinn þarf að sýna lágmarkskröfur um innihald prógrams fyrir viðkomandi flokk.

- Keppendur þurfa að ná TES viðmiðum fyrir viðkomandi flokk fyrir afreksefni í stuttu prógrammi
- Skylduæfingar skulu innihalda lágmarkskröfur ISU fyrir viðkomandi flokk.
- Í æfingabúðum á vegum ÍSS þarf skautari að sýna frjálst prógram fyrir keppni í viðkomandi flokki. Í undantekningartilfellum er hægt að sækja um að sýna prógrammið undir öðrum kringumstæðum.

## 4 Gild mót sem eru metin til viðmiða

Sjá reglugerð um gild mót.

### 4.1 Skil á protocolum

Protocol frá gildum mótum samkvæmt reglugerðum ÍSS verða metin til viðmiða. Öll protocol frá ÍSS mótum munum sjálfkrafa vera skoðuð og metin. Senda þarf inn beiðni um mat á protocol og yfirlit yfir dómara fyrir ISU-, alþjóðleg og opin félagsmót til afreksnefndar. Umsókn um að ógilt mót sé tekið gilt þarf að berast tveimur vikum eftir mót og afgreidd af dómara- og tækninefnd. Til að hafa samband við dómara- og tækninefnd skal senda tölvupóst á netfangið [taeknirad@iceskate.is](mailto:taeknirad@iceskate.is). Senda skal inn úrslitasíðu protocols, þ.e. fyrsta síðan, eða link á úrslit móts, og skal berast til afreksnefndar eigið síðar en 2 vikum eftir að keppni lauk. Keppandi (18 ára og eldri) / forráðamaður ber ábyrgð á því að senda allar viðeigandi upplýsingar og fylgigögn á [afreksnefnd@iceskate.is](mailto:afreksnefnd@iceskate.is). Afreiðslutími erinda er tvær vikur.

### 4.2 Þættir sem koma til álita og stigagjöf

Hér má finna alla þá þætti sem koma til álita við val í landslið og/eða við val á ISU mót. Stig eru gefin fyrir hvern þátt sem hér segir að undanskildu ákvæði um þátttöku á Íslandsmeistaramóti, virka keppnisþátttöku og virka þátttöku í verkefnum ÍSS. Fyrir TES viðmið þá er horft á gild mót síðastliðna 12 mánuði.

- Þátttaka á Íslandsmeistaramóti er skilyrði (sjá 3.1)
- Virk keppnisþátttaka á keppnistímabili er skilyrði (sjá 3.2)
- Virk þátttaka í verkefnum afrekshóps ÍSS er skilyrði (sjá 3.3)
- Uppfyllt ÍSS viðmið um tæknieinkunn (TES) um afreksefni er skilyrði (sjá 2.1)
- Uppfyllt ISU viðmið á móti af lista ISU um tæknieinkunn (TES) fyrir stutt prógram gefa 2 stig
- Uppfyllt ISU viðmið á móti af lista ISU um tæknieinkunn (TES) fyrir frjálst prógram gefa 2 stig
- Skil á innihaldi prógrama gefur 1 stig. Erfiðleikastig og framkvæmd elementa geta koma til álita (sjá töflu í kafla 3.5 hér að ofan)

- Meðaltal af heildareinkunn móta síðastliðinna 12 mánaða (Total Score) (ekki er sama mót reiknað tvisvar sinnum). Meðaltal skilur aðeins á milli skautara ef þeir eru jafnir á ofantöldum stigum.

ÍSS áskilur sér rétt til þess að kalla eftir læknisvottorði (ekki eldra en 6 vikna) um keppnishæfi og skal því skilað til afreksnefndar þremur vikum fyrir áætlaða keppni.

Val fer einungis fram ef ÍSS á takmörkuð pláss, eða svokallaðan kvóta, á mót og ef ÍSS óskar eftir styrkleikaröðun fyrir ákveðin verkefni.

## 5 Keppnisþátttaka

### 5.1 Þátttaka á gildum mótum

Hægt er að óska eftir því til Skautasambandsins að einstaklingur í flokki afrekshóps/afreksefna fái að taka þátt á gildu mót. Afreksnefnd metur viðkomandi keppendur í samræmi við styrkleika mótsins sem sótt er um þátttöku á. Þeir skautarar sem keppa í Senior flokki geta sótt um keppnisþátttöku óháð stöðu sinni í Afrekshópum ÍSS. Þjálfari og keppandi (18 ára og eldri)/forráðamaður ber ábyrgð á því að senda allar viðeigandi upplýsingar og fylgigögn á [afreksnefnd@iceskate.is](mailto:afreksnefnd@iceskate.is). Ósk um þátttöku þarf að berast 3 vikum fyrir lokaskráningu viðkomandi móts. Báðum aðilum verður svarað. Ef ÍSS fær úthlutað takmörkuðum fjölda á mótinu þarf val og styrkleikaröðun að fara fram áður en að skráning kemur og því mikilvægt að tímamörk séu virt. Athuga skal að RIG er hluti af mótum á ISU lista.

### 5.2 Þátttaka á alþjóðlegum félagamótum (e. Inter-Club)

Þátttaka íslenskra keppenda á öllum mótum erlendis skal tilkynnt til Skautasambands Íslands. Ef óskað er eftir því að protocol mótsins séu tekin til greina eftir þátttöku skal fylgja lið 4.1.

### 5.3 Skipting á milli keppnisflokka

Þegar skautari skiptir á milli keppnisflokka þarf að hafa náð grunnprófi, viðmiðum og lágmarkum Afreksnefndar ÍSS um innihald prógrams fyrir viðkomandi flokk áður en keppt er á gildu mót á lista ISU í nýja keppnisflokknum.